

Ո Ր Ո Շ ՈՒ Մ N 25/6
/վարչական տույժ նշանակելու մասին/

«23» հունվարի 2019թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Արմեն Գրիգորյանս, քննելով Արմայիս Գասպարյանի /անձն. 17AA96931 և AR0349325, քաղաքացիություն՝ Վրաստանի Հանրապետության և Հայաստանի Հանրապետության, հասցեն՝ ՀՀ Արմավիրի մարզ, Նորավան 2-րդ փողոց, տուն 40/ կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

ՀՀ քաղաքացի Արմայիս Գասպարյանի անվամբ 24.10.2018 թվականի թիվ 05100033/241018/0000291921 մաքսային մուտքի օրդերով «Ժամանակավոր ներմուծում» մաքսային ընթացակարգով 30 օր ժամկետով ՀՀ տարածք է ներմուծվել MERCEDES-BENZ S-500 մակնիշի, AA233WW պետհամարանիշի, 2006 թվականի արտադրության տրանսպորտային միջոց: Նշված տրանսպորտային միջոցի ժամանակավոր ներմուծման վերջնաժամկետը սահմանվել է մինչև 23.11.2018 թվականը, սակայն մինչ այդ ժամկետի ավարտը վերոնշյալ տրանսպորտային միջոցը չի արտահանվել ՀՀ տարածքից, որի արդյունքում խախտվել է հետադարձ արտահանման պարտավորությունը:

ՀՀ ՊԵԿ Արևելյան մաքսատուն-վարչության Բազրատաշենի մաքսային կետ-բաժնի ավագ մաքսային տեսուչ-իրավաբանի կողմից 27.11.2018 թվականին Արմայիս Գասպարյանի նկատմամբ կազմվել է մաքսային կանոնների խախտման վերաբերյալ արձանագրություն ՀՀ մաքսային օրենսգրքի 199-րդ հոդվածի 1-ին մասի հատկանիշներով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ՊԵԿ Ներքին անվտանգության վարչություն՝ ավտոմեքենայի սահմանահատումների վերաբերյալ տեղեկատվություն ստանալու նպատակով: Պատասխան գրությունից պարզվել է, որ MERCEDES-BENZ S-500 մակնիշի, AA233WW պետհամարանիշի, 2006 թվականի արտադրության տրանսպորտային միջոցը 24.10.2018 թվականին Բազրատաշենի մաքսային կետ-բաժնով ներմուծվել է ՀՀ, սակայն հետագա արտահանման պարտավորությունը չի կատարվել:

Նշանակվել է գործի քննություն 2018 թվականի դեկտեմբերի 27-ին, ժամը 16:00-ին: Վերջինս ծանուցվում է ՄՄՕ-ում նշված հասցեով:

Մաքսային կանոնների խախտման վերաբերյալ վարչական վարույթի շրջանակներում հարցում է կատարվել ՀՀ ոստիկանության անձնագրային և վիզաների վարչություն ՀՀ քաղաքացի Արմայիս Գասպարյանի /անձնագիր՝ AR0349325, ծնված 05.01.1952թ. ՀՀ-ում հաշվառված լինելու մասին: Պատասխան գրությամբ հայտնվում է, որ ՀՀ ոստիկանության անձնագրային և վիզաների վարչության բնակչության պետական տեգիստրի տվյալների համաձայն քաղ. Արմայիս Գասպարյանին, ծնվ.15.01.1952թ., ՀՀ ոստիկանության ԱՎ վարչության կողմից 28.06.2017թ. տրվել է ՀՀ քաղաքացու AR սերիայի թիվ 0349325 անձնագիրը: 08.10.1993թ. հաշվառված է Արմավիրի մարզ, Նորավան 2փ., տ. 40 հասցեում:

Միաժամանակ հարցում է կատարվում ՀՀ ՊԵԿ Արարատյան մաքսատուն-վարչություն, Արմայիս Գասպարյանի /անձն. AR0349325, կամ անձն.17AA96931/ կողմից 24.10.2018թ. թիվ 05100033/241018/0000291921 ՄՄՕ-ով ներմուծված MERCEDES-BENZ S500 մակնիշի /vin WDD2210711A083656/, AA233WW պետհամարանիշի, 2006 թվականի արտադրության տրանսպորտային միջոցը այլ ընթացակարգով ձևակերպվելու վերաբերյալ: Պատասխան գրությամբ հայտնում ենք, որ Արմայիս Գասպարյանի /անձն. AR0349325, կամ անձն.17AA96931/ կողմից 24.10.2018թ. թիվ 05100033/241018/0000291921 ՄՄՕ-ով ներմուծված MERCEDES-BENZ S500 մակնիշի /vin WDD2210711A083656/ տրանսպորտային միջոցը այլ ընթացակարգով չի ձևակերպվել:

Գործի քննությունը տեղափոխվում և նշանակվում է 2019թ. հունվարի 23-ին ժամը 15:00-ին: Վերջինս ծանուցվել է ըստ ՀՀ –ում հաշվառված վայրի հասցեով:

ՎՀ քաղաքացի Միխայիլ Գասպարյանը 22.01.2019թ. դիմում է ներկայացրել ՀՀ ՊԵԿ, հայտնելով, որ ինքը հանդիսանում է MERCEDES-BENZ S500 մակնիշի /vin WDD2210711A083656/, AA233WW պետհամարանիշի տրանսպորտային միջոցի սեփականատերը: Նշվում է նաև, որ 2018թ. հոկտեմբերի 24-ին ավտոմեքենայի լիազորված վարորդ՝ Արմայիս Գասպարյանը մուտք է գործել ՀՀ Բազրատաշենի մ/կետով, որտեղ ըստ կարգի ձևակերպվել է մեքենան: Արմայիս Գասպարյանի խնդրարկված ժամկետը եղել է 1 տարի, սակայն իրեն պատասխանել են, որ կարող են թույլատրել մեքենան ներմուծել 6

ամիս ժամկետով: Արմայիս Գասպարյանն մտածելով, որ ՄՄՕ-ի մեջ նշված տրանսպորտային միջոցի ժամկետը կազմում է 6 ամիս, հետացել է: Հետո պարզվել է, որ ներմուծման վերջնաժամկետը սահմանվել է մինչև 23.11.2018թ.: Միխայիլ Գասպարյանը խնդրում է հանձնարարել համապատասխան բաժնին, որպեսզի շտկեն սխալմունքը, որը իրենց մեղքով չէ կատարվել, թույլատրել մեքենայի շահագործումը և առանց տույժ ու տուգանքների վճարելու այն հանել ՀՀ-ից:

Տրանսպորտային միջոցի մաքսային արժեքն՝ ըստ մաքսային մուտքի օրդերի կազմում է 4831400 ՀՀ դրամ, որի «Բաց թողնում՝ ներքին սպառման համար» մաքսային ընթացակարգով հայտարարագրման դեպքում կառաջանան մաքսային վճարներ 2029188 ՀՀ դրամի չափով:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունն, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն:

Նույն հոդվածի 2-րդ մասի համաձայն՝ Ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 199-րդ հոդվածի 1-ին մասի համաձայն՝ հետագա արտահանման պարտավորությամբ Հայաստանի Հանրապետություն ներմուծված ապրանքները և տրանսպորտային միջոցները սահմանված ժամկետում չարտահանելը կամ հետագա ներմուծման պարտավորությամբ արտահանված ապրանքները և տրանսպորտային միջոցները սահմանված ժամկետում Հայաստանի Հանրապետություն չներմուծելը՝ առաջացնում է տուգանքի նշանակում՝ խախտման օրվա դրությամբ այդ ապրանքների և տրանսպորտային միջոցների համար «ներմուծում՝ ազատ շրջանառության

համար» մաքսային ռեժիմով նախատեսված մաքսային վճարների մեծության 50 տոկոսի չափով, բայց ոչ պակաս, քան 50 հազար դրամ:

«Եվրասիական տնտեսական միության մաքսային օրենսգրքի մասին» պայմանագրի 264-րդ հոդվածի 1-ին կետի համաձայն օտարերկրյա ֆիզիկական անձանց կողմից՝ Միության անդամ չհանդիսացող պետությունում գրանցված անձնական օգտագործման տրանսպորտային միջոցների ժամանակավոր ներմուծումը Միության մաքսային տարածք թույլատրվում է ոչ ավելի, քան 1 տարի ժամկետով: Նույն հոդվածի 5-րդ մասի 1-ին պարբերության համաձայն՝ ժամանակավոր ներմուծված անձնական օգտագործման տրանսպորտային միջոցները, մինչև այն ժամկետի լրանալը, որի ընթացքում այդ տրանսպորտային միջոցները կարող են ժամանակավոր գտնվել Միության մաքսային տարածքում, Միության մքասային տարածքից արտահանման, ազատ շրջանառության համար բացթողման կամ սույն հոդվածին համապատասխան այլ նպատակներով ենթակա են մաքսային հայտարարագրման:

Սույն դեպքով Արմայիս Գասպարյանի անվամբ 24.10.2018թ. թիվ 05100033/241018/0000291921 մաքսային մուտքի օրդերով ՀՀ ներմուծված MERCEDES-BENZ S-500 մակնիշի, AA233WW պետհամարանիշի, 2006 թվականի արտադրության տրանսպորտային միջոցի ժամկետը ավարտվել է 23.11.2018թ.: Արմայիս Գասպարյանը սահմանաված ժամկետում չի դիմել մաքսային մարմիններին ժամանակավոր ներմուծման ժամկետը երկարաձգելու խնդրանքով և չի ձևակերպել <<Մաքսային պահեստ>> մաքսային ընթացակարգով:

Վարչական իրավախախտումների վերաբերյալ գործերի վարույթը բացառող հանգամանքները սահմանված են Օրենսգրքի 247-րդ հոդվածով:

Այսպիսով վարչական մարմինը քննելով գործում առկա ապացույցները գտնում է, որ Արմայիս Գասպարյանի արարքում առկա է ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտման հատկանիշներ:

Ելնելով վերոգրյալից և ղեկավարվելով ՀՀ մաքսային օրենսգրքի 221 հոդվածով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 199-րդ հոդվածով նախատեսված մաքսային կանոնների խախտում կատարելու համար Վրաստանի Հանրապետության և Հայաստանի հանրապետության քաղաքացի՝ Արմայիս Գասպարյանին ենթարկել վարչական պատասխանատվության՝ տուգանելով 1014595 ՀՀ դրամի չափով:
2. Որոշման մասին հայտնել Արմայիս Գասպարյանին:
3. Պարզաբանել, որ որոշումը ՀՀ մաքսային օրենսգրքի 222-րդ հոդվածի համաձայն 10-օրյա ժամկետում կարող է բողոքարկվել վերադաս մաքսային մարմին կամ ՀՀ վարչական դատավարության օրենսգրքով սահմանված կարգով՝ վարչական դատարան:

Սույն որոշմամբ նշանակված տուգանքի վճարման հաշվեհամարներն են. 900005024055՝ գումարի 70% և 900233586016՝ գումարի 30% (ՀՀ պետական բյուջե, կենտրոնական գանձապետարան, Արեվելյան մաքսավորւն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-
ՎԱՐՉՈՒԹՅԱՆ ՊԵՏ



Ա. ԳՐԻԳՈՐՅԱՆ